



**TATA IBADAH PARTONGGOAN KELUARGA
GKPS PADANG BULAN - RESORT POLONIA**

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>



Topik: SISOYA-SOYA DO HASONANGAN PARDUNIAON

Parambilan: Pdt. Masria Girsang, **Paragenda/Doding:** Sy. Rosma Silitonga;

Singer: Sy. Dewi Hutabarat, Sy. Paulina Lumbantoran,

Tonggo Syafaat: Sy. Tiona Situmeang

Panorang: Jumat, 11 September 2020

1. VOTUM-INTROITUS-TONGGO

P: Pasada hita ma uhurta, pungkah hita ma kebaktianta!

Ibagas goran ni Naibata Bapa, pakon Tuhan Jesus Kristus ampa Tonduy Na Pansing, Sitompa langit pakon tanoh on. Amen.

Sada daging anjaha sada tonduy songon nasiam na tardilo ibagas sada pangarapan bani pandiloon ai, sada Tuhan, sada haporsayaon, sada pandidion, sada Naibata, aima Bapa ni haganup, sigomgomi haganup, sitorusi haganup ampa siiani haganup. Haleluya!

P. Martonggo ma Hita!

Ham Tuhan Naibata Bapanami, mangkatahon tarimakasih do hanami hu Bamu, halani na dob ipatar Ham diri-Mu marhitei hata-Mu. Togu-togu ham ma hanami ase ihaporluhon hanami mandalankon hata-Mu in. Pagolpa Ham ma hanami bani tanggung jawab name ase sirsir hanami marsiajaran domu hubani harosuh-Mu, ase hu Bamu isombahkon hanami doding ampa puji-pujian nami sadokah goluhnami. Amen.

2. Mandoding 401. Hupuji Hupasangap Ham (1-2+5)

1. Hupuji hupasangap Ham, Bapa pardear layak.
Ganupan ijadhon Ham, sonai age na masa.
Itompa Ham ganup hape, dagingku pakon tonduy pe.
Napuji ma Goran-Mu.

2. Ganupan tinompa-Mu in, sol sonang bahenon-Mu.
Arian pakon borngin in, sai Ham do na marmudu.

'Ge uhum bai gomgomon-Mu, pintor janah sintong ganup.
Na puji ma Goran-Mu.

5. Antong roh bei ma hita le, ganupan na porsaya.
Marolob-olob hita bei, mamuji Naibatanta.
Dear tumang ganup hape, na binahen ni Naibata.
Na puji ma Goran-Ni.

3. Mambasa Ayat Bulanan+Hatorangon

4. Mandoding 205. Hata ni Jahowa (1+3)

1. Hata ni Jahowa Sipadamei jolma, hagoluhan in
In malas ni uhur, na mangapoh uhur namarhoru in
Gogoh ni Naibatangkin, paluahkon na porsaya humbai ganup dousa

3. Domma ipasirsir idopni uhur-Ni, 'ge layak-Ni rup
Domma matei Kristus, domma dob itobus hita haganup
Sangap ma bai Naibata na porsaya bai Hata-Ni in pagoluhon-Ni

5. Tonggo Pangapition

6. Persembahan Pujian : Gadin Purba (Bejana-Mu)

7. Mandoding 466. Ringgas Hita Marhorja (1-3)

1. Ringgas hita marhorja,
ase torsa marhasonangan goluhta on.
Sirsir do tong Tuhanta
mambere gogoh lao marhorja hubanta on
;: Nai ma da tongon, Amen sai saud ma sonin.

2. Horjahon ma rosuh-Ni,
ase dapotan pasu-pasu horjamu in.
Manggargar na sinari,
janah tongtong ihasomani Tuhanta in.
;: Naima da tongon, Amen sai saud ma sonin.

3. Bolag openi juma.
inganan manaburhon bonih ni Hata in.
Ase ringgas ma hita.
janah tongtong mambere buah bai Tuhan in.
:,: Naima da tongon, Amen sai saud ma sonin.

8. Ambillan : Galatia 5: 19-21

9. Mandoding 102 . Ham Tongtong Ihutkononku (1+3)

1. Ham tong-tong ihutkononku, Jesus Sipagoluh ahu
Seng anjai tadingkononku, ham napaluahkon au
Humbai haganup dousangku, pakon hambai uhum in
Natongtong habiaranku, ibaen pardousaonkin

3. Atap aha pe namasa, malas uhur, pusok pe,
Jolomanku na maharga na marholong atei pe'
Ai sadokah au manggoluh, 'ge dob bois bohahon,
Ningon Ham, o Sipagoluh, pujionku sai tongtong.

10. TONGGO GALANGAN – TONGGO PENUTUP

P. Ondoskon hita ma galanganta hubani Naibata, martonggo ma hita!
Ham Tuhan Naibata Bapanami na i nagori atas. Tarimakasih ma
hatahonami Bamu, halani holong-Mu na bangga in na gabe
hagoluhannami. Bani panorang on, iondoskon hanami do hu Bamu na
ipatumpu hanami on gabe galangannami hu Bamu. Sai jalo anjaha pasu-
pasu Ham ma galangan nami on, laho pabolaghon harajaon-Mu pakon
pararatkon hata-Mu i dunia on, gabe hasangapon-Mu, ibagas goran ni
Anak-Mu Tuhan Jesus Kristus Tuhan nami. Amen.

Riap ma hita martonggo, marhitei tonggo na niajarhon ni Tuhan Jesus
hubani susian-Ni!

P+K. Ham Bapa nami na i nagori atas. Sai napapansing ma goran-Mu. Sai
roh ma harajon-Mu. Sai saud ma harosuh ni uhur-Mu i nagori tongah on
songon na i nagori atas. Bere Ham ma bannami sadari on hagoluhan ari-
ari. Sasap Ham dousanami songon panasapnami bani dousa ni hasoman
na mardousa dampak hanami. Ulang hanami bobai Ham hu parlajouan,
paluah Ham ma hanami hambani pangagou. Ai Ham do simada harajaon
pakon hagogohon ampa hasangapon sadokah ni dokahni. Amen.

P: Jalo hita ma pasu-pasu hambani Tuhan Naibata.
Idop ni uhur ni Tuhan Jesus Kristus, pakon holong ni atei ni Naibata Bapa,
ampa parsoran ni Tonduy Na Pansing ma mangkasomani hita haganupan.
Amen

K: Diate tupa ma, bamu Ham Naibata
Ham Bapa na i Surga, diate tupa ma
Amen... (mandodingkon)